

مؤسسی : ابن السری
مصطفی نامق

مدیری : ابن السری
احمد جودت

آشیان

ادبی ، علمی ، سیاسی ، اجتماعی ، فنی ، اخلاقی هفتہ لق مجموعہ در

پنجشنبہ

برنجی جلد

نومرو ۷

برنجی سنہ

۲۶ رمضان ۱۳۲۶

۹ تشرین اول ۱۳۲۴

استانبول

محل ادارہ سی : جفال اوغلانده دائرہ مخصوصہ

مطبعہ عامرہ

۱۳۲۴





— مایه —

۲

اونلر همان آلتی سنه دن بری برآراده یاشایان ایکی نشانلی کییدر ...
والله هنوز دوقوز یاشینده بر چوجوق ایکن و داد بهجت اوکا برکون
مکتبدن عودت ایتدیکی زمان عوجه سنک اوندی راست گلش و بی شهه، مسافرلردن
برینک چوجوغی اولان بوکوزل قزی؛ آرقه سینده - اوزون سیاه چوراپلری
ایچنده اینجه لکی ارتسام ایدن نجیف باجاقلرینک آنجق بر قسمنی اورتیمکه کفایت
ایده بیله جک قدر - قیصه، قویو شرابی ایلیمه سیله بر نظرده اوقدر سهویلی
بولمشدیکه یانندن کچرکن اونی بر مدت مدید بروقفه نکه ایلله تدقیق ایتمکدن منع
نفس ایده مه شدی ...

اونک؛ اوزون کیرپیکارینک، نکه انه منور کجه لک رنگ ظلال خویلادارینی
سه رپن خفیف کولکه لریله سایه دار، ایری قومال کوزلرنده، نظرلرک آنی
بر تلاقیسيله روحی مص و احاطه ایدن اویله جاذب و آتشیین بر لمعه نور غرام
واردیکه و داء بهجت، دامارلرنده بر آن ایچنده طوتوشان بر شراره ایلله نظرلرنده
- هنوز بویومکه وقت بولمادن - برکنج قز شکلی آلان بوچوجوغه قارشى شدید
بر انجذاب دویمشدی ...

او ائاده والله، بوأوده برنجی دفعه تصادف ایتدیکی بولدیقه انلینک کیم
اولدیغنی آکلامق ایسته یین متخیر نظرلریله اونک کنديسنی تدقیق ایدن کوزلرنده

برآفاده آشنائی آراکن رداء بهجت ، بودفعه قلبنده اوافق بر احترازه اوراده
دها زیاده دورمقدن چکینه رک یوقاری اوداسنه چیقمش وذهنده بو سیای
معصومك خاطره لطیفه سیله بنجردنك اوکنسده بر قولتوغه یاعلاندهرق ، اوکون
مکتبده کیمیا درسند ، علی العجله طوتولان نوطلرله پالطوسنك جیبنده پریشان
برمجموعه تشکیل ایدن کاغد دستلرینی یازینخانه نك اوستنه براققدن صوکره براقچ
کوندن بری اوقومغه وقت بولنه مامش غزته لری سوزمکه باشلامشدی ...

دلیقانی ذهننده حالا اوسیا ایله اقدامك «سووهوا» حقنده برمقاله فنیه سنی
تعقیب ایدمرکن یورغون نظرلری ، بو ، کوزونك اوکنسده اوزانوب کیدن
سلسله حروفات آراسنده ، بعضاً بریره ایلیشه رک ؛ بعضاً بوسبوتون دومانلانهرق
بولانیور .. و بو بیاض کاغد اوزرنده حرفلری ؛ یواش یواش حرکت کله رک
اوتیه بری به قوشوشغه باشلایان بر قارینجه سوروسی شکلنده کوریوردی ...
کلر ، بویله بر هر ج و صرح رؤیت ایچنده یکدیگرینی ولی ایتدکجه کوزلرینی
بورون اینجه بر بولوط طبقه سی آراسندن هپ اومتخیر نظرلریله کنیدیسنه باقان
ایکی ایری گستانه کوز ایله سه ویلی بر چوجوق سیمای رفیق بلیریور .. ویننك
ایچنده انتظام محاکمانی آلت اوست ایدن بر تأثیر ایله اونی اوقومقدن زیاده
دوشونمکه سوق ایدیور دی ...

نهایت دها زیاده دوام ایدمیه رک غزته یی براقدی . آئنده بر سیغاره ایله
تکرار قولتوغه یاعلانندی . شمدی سیغاردن چیقان دومانلر ، کاه بر آرایه
طوبلاندهرق بعضاً بر برندن آریلار ق اوتده بریده رقضان هاله لر شکلنده اوزانیور
واودانك هوای غنوده سند ، یواش یواش یوکسدن شفافی بولوط کومهلری
حاصل ایدیوردی ...

وداد بهجت ، دماغی درین بر حظ خولیا ایچنده احاطه ایدن بوسیغاره
دومانلریله مست و مخمور کوزلرینی قارشیده دیوارده بر لوحیه دیکه رک کویا
اوراده دمندن بری ذهنی اشغال ایدن خیالک عکس ارتسامنی کورمکه
چالیشوردی ...

آنچی بر دقیقه سورن بر تدقیق ایله ضبط اولومش خاطر دلرک بر آن ایچنده

طیران ایدن خطوط مهمه خیالیه سی نوعدن دماغدن سیلنمکه محکوم ، بوسیای
 اورایه قابل اولدینی قدر درین نقش اتمک ایچون دوشونمک لازمکلیکنه قناعت
 ایدن و داد هجّت ، بو بر کره کوردیکی یابانجی بر قز حقنده بودرجه خیالی اولمق
 طرفی - نیچون التزام ایتدیکنی حتی محاکمه حاجت کورمه دن - صرف بر سائقه
 حسیه تسلیم نفس اتمکده بر شعر تخیل ایده رک همان قبول ایدیورمش و دأما
 حقیقه خیاله فدا ایتدیره ن واک آجی ، اک ملوث حقایق حیاتیه یی بر غاره شعر
 و نفاست آلتند ملون کورسته رن بر حس شاعریتله بر مدتدن بری بوش قالان
 قلبنده تازه بر حسک ، یکی بر سودانک هیچانلرینی او یاندیرمق ایسته مشدی .
 روحنک دأما قیغچیملر صاحبان بواحتیاج سوداسی ، اوکا عشقی ، بر تهلکه دکل
 حیاتی شئلندیره جک ، زیر پای آمانسه اُنک اُنک ازهار سمادت بوشالته جق
 بر پری حسیات فرض ایتدیریوردی . سهومک ... حیاته بوندن بویوک بر
 بختیارلق اولورمیدی ؟ ... اونک اُنک برنجی اُملی بو ایدی . سهومک اوح ،
 اوت .. اومطلقا بر بستی سهومک ایستبوردی . بونی دوشونونجکه قای عظیم
 بر احتیاج محبتله چا پار و حیاته سهومبله جکی بر رفیقیه مالک اولمق خویاسیله
 مست و بختیار ، ساعتلرجه دوشونوردی . انک ایچون ازدواج ، مطلقا بر معاشقه
 نتیجه سی اولمالیدی . بو اونک ذهنده یرلشمش اوله متین بر فلسفه ایدیکه بر کره
 کورمکله حتی کورمه دن یالکز والدلرک تنسید وقراری اوزرینه یاییلان
 ازدواجلری حیرتله تلقی ایده رک و بو طرز رابطله رک اُبدی اولامیه جفته قناعت
 ایدردی . ایشته شمدی کندی کدیسنه اورفیه مستقبله یی تخیل ایده رکن قلبنده
 دها جدی بر اطمئان واردی . بودفعه بوتون اودوشونجه لرک خویالرینی اکال
 ایدن برسیما ، متحیر نظریله بر چوجوق سیاسی رفاقت ایدیوردی . اونی اوزون ،
 قومرال صاچلرینک ساده بر طاراندیشیله ، ناصیه سنه بر علویت صافیه نک اُتری
 دالغه لرینی سهرپن کستانه کوزلرینک طاتلی باقیشیله او قدر کوزل بولیوردیکه
 بر قاچ سنه صوکر ایتیشمش بر کنج قز شکلی آلدینی زمان بر تهلکه اولاجفته
 قناعت ایدیوردی ...

و داد هجّت ، اُنک زیاده سحرلین اونک کوزلری ایشیدی . اونلرده نصل
 بر تأثیر نه آتشین بر قوه ساحره واردیکه اونی بر نایه ایچنده ، بوتون متاتلرینی

کسر ایدەرك ضبط ایتشدی!... دلیقانی بوشاده درین برغشی حسیات ایچنده دالمش، دوشونورکن مەدیونلردن سرعتله چیقان برېسنگ آياق سسلیله، بر پارچه دەویقویه بکزه یین بو استغراقدن اویانه رق قوالتوغك اوستنده دوغرولدی. صوکر ایاچری یه کیرن عموچه زاده سنك آرقه مندین ینکه سنك سسینی ایشتدی:

— و داد بک، دیوردی. سزه مسافر کتیریورم...

و داد بهجت: بومسافرك کیم اولدیغنه درحال انتقال ایدەرك قابی چارغنه باشلادی. ینکه سی ایچری یه کیر کیرمن ابتدا والهیی اوکا تقدیم ایتدی:

— دایمک قزی، واله... ظن ایدرسەم ایلک دفعه کوریورسکیز... دیدی.

و داد جواب ویردی:

— اوت، دیدی. حق دایمک زک بر قزی بولندیغیده بیامیوردم...

شمدی هپسی بر رصندالییه اوطور مشلردی. و داد بهجتک ینکه سی، صالحه خانم، یازبخانه نك اوزرنندن رسمی بر غرتە آلاق بر قاچ حقیقه سنی چویردکن صوکر ا تکرار آلدینی یه بره براقه رق دیدیکه:

— واله کانکزی دیکله مک ایتیور. اگر بر مشغولیتکیز یوقسه...

و داد بهجت، درحال:

— امر ایدرلر... دیدی.

و آیاغه قالقهرق ایلریله دی. قاپنک یاننده، بر ماصه نك اوزرنندن کانی آلاق تکرار یرینه اوطوردی. واله محجوبیتندن کوزلرینی ایندیرمش سکوت ایدبوردی.

— مابعدی وار — جمیل سلیمان

